

新國醫講義教材

小兒科

(卷二)

小兒科痘症

痘症治法 編者論曰痘科一症，順者不必治，逆者不能治，可治者惟險症耳。險症治得法則生，不得法則不生，是治法之不可不精也，內經未嘗言及今行世諸書，皆本之於諸瘡痛癢皆屬於熱八字，所以立意先言解毒，開方定用寒涼，在其父母聞之解毒最爲入耳，寒涼似亦應然殊不知痘瘡全以發透爲吉，起發必賴氣血滋培，方能自內達外，齊苗灌漿結加無非陽氣爲之主也，寒涼則血滯，尅削則氣破，血滯氣破，毒氣乘虛深入，此痘症陷塌之所由來也，譬之豬脬（即尿胞）若欲其脹滿，必需以氣充之散其氣立即陷矣。此理相同顯而易見，痘之始終全憑氣血，但得氣血充足，則易出易結，血氣不足，則變症百出，痘之欲出，陽氣蒸騰，小兒發熱，正是痘欲見苗，斯時氣虛者，宜服補中益氣湯，血虛者，宜服荊防地黃湯，兼寒者宜服大溫中飲，或大補元煎，察其體氣之虛實，酌而用之，所謂培小兒氣血，疎通經絡。無不立奏全功，時師不明此理，定言用補太早，則補住毒氣，乃愚陋之見也，不知補中即所以托毒，灌根即所以發苗，萬無補住之理，且有散藥在內，此實先哲治痘之心傳，高明者必以爲然，淺學者何能窺其萬一，要之治痘之法，總不外乎虛寒實熱四個字，何者爲虛寒？凡小兒向日氣體薄弱，面色青黃，唇淡

新國醫講義教材

小兒科

(卷二)



畏寒，大便澇而不結，小便清白，飲食減少，或不甚消化等症，知腹中火少，出痘時必難灌漿，亦難結痂，氣血不足之故，是名虛寒，速宜培補元陽，以防變症也。何者爲實熱？或小兒氣體壯實，飲食易消，出痘時大便結而燥，小便赤而臊，口鼻中出氣如火，惡熱喜涼等症，是名實熱，察明果是內熱，方可暫行清解，荆防地黃湯用生地加大黃，一二劑而火退矣，然不可以虛火誤認爲實火，察虛火實火之法，全憑大小便爲主，小便清白，大便不燥，身雖大熱，乃是中宮有寒，火無所依，浮而在外，誤服寒涼，亦有此症，不得以身熱便認爲實火，虛火者十中八九，實火者數十之一二耳。

痘有四宜 一宜補氣 眞陽充足，方能送毒出外以成痘，倘痘頂不起等症，皆元氣不足之故，宜服黨參白朮黃耆甘草之類以補之。 二宜補血 眞陰充盈，方能隨氣到苗以成漿，空殼無膿等症，皆陰血不足之故，宜於補氣藥中加熟地當歸丹參川芎之類以補之。 三宜補脾腎 一脾土壯健，氣血自充，飲食減少，口淡無味等症，皆脾土虛弱之故，須脾腎雙補，即於前氣血藥中加枸杞故紙附子肉桂等藥，痘瘡自無陷塌泄瀉之患，經云虛則補其母，此之謂也。 四宜察虛實 小兒飲食有味，二便如常，不服藥最爲穩當，設或灌漿不滿，燒漿不乾等症，必察其氣分血分，何處虧虛，照症調補，不可妄用涼藥，必口鼻臭尿臊便結有實火可據者，方可暫行清解。

痘有四忌 一忌清熱敗毒 一胎中陰毒，必賴陽氣托送，方能發出，陽氣被清，陰毒內歸，痘之塌陷實由

於此，是連翹生地黃芩澤瀉等藥，非有實火者萬不可用，二忌尅伐氣血，氣血充暢，痘易成功，尅削下咽中氣虧而毒乘虛深入，泄瀉塌陷諸症作矣，是大黃芒硝山甲山查等藥，在所必禁者也，三忌妄投醫藥，小兒出痘，延醫診治，求其有益也，豈知近代醫師，不分虛實，總是涼藥，毒輕者幾死，毒重者不生，是以不如不服藥之爲妙，客問曰，痘之順症，可以不藥，我知之矣，痘之險症，可以不藥乎，余曰，若純用涼藥，以治險症，但見治斃，未見治愈也，客猛然省悟而去，四忌吞服醫家小丸，近代痘師所帶小丸，總是巴豆丸，彼以爲痘是胎毒，巴豆下行，定可以瀉去之，豈知中虛下陷，性命休矣，小丸數粒，斷非溫補氣血之藥，卽抱龍牛黃等丸，亦與痘症大有妨礙，是以最不可誤服，親友處受此害者甚多，目擊心傷，故特表而出之耳，至於前人所製人牙散，獨聖散，雞冠血柔蟲之類，逼毒外出，旋即收陷，皆非正理，何曾見其治愈一人，斷不可用。

發熱 痘者胎中之陰毒也，必賴陽氣以成之，小兒出痘，大約發熱三日，肌肉鬆透，然後能見點，苗齊熱退，乃真陽內伏，交會於陰，復發熱三日，是逆水到苗，以成清漿，漿足熱退，及至養漿，真陽外出，蒸發熱三日，化毒以成膿，膿成熱退而陽伏，毒既化膿，又必發熱蒸乾，方能結痂，痂落後真陽外出，蒸化斑點，謂之燒斑，倘有黑斑，乃是火衰，並非因吃鹽醬之故，所謂痘稟於陰而成於陽也，如此治痘之法，始終當以補氣血扶陽氣爲第一義，用藥以溫補，少加發散爲首務，否則氣不足則痘頂不起，火不足

則漿不稠，且恐厥逆腹痛。陰寒起而壞症作矣，或問曰，痘宜溫補，此理甚明，若兼發散，豈不傷氣，不知純用散藥，汗多則傷氣，少加發散藥於溫補藥中，則血脉疎通，痘瘡易出，無壅滯之患，受解散之功，所以古方補中益氣湯內有升麻柴胡大溫中飲內有麻黃，溫中補氣尚用散藥，可見古人用心之妙，痘之初出，是斷不可減去散藥者，或又問曰，痘宜溫補兼散，此理已明，後開大補元煎，六味回陽飲，此二方重用附桂並無散藥，兼用龍骨栗殼收澀之藥，其義何取，不知溫補兼散，乃治尋常痘瘡之法，更有一種小兒，發熱一二日，即遍身出痘，古書無方，時醫袖手，此乃陰毒太重，陽氣太虛，陰毒一發，陽氣已消，故瀉痢不止，瀉出之物，多作青黑色，肝氣所化。胃氣將竭之兆，速宜大補元煎六味回陽飲二方，大劑連進，可以扶元陽，可以消陰毒，操起死回生之功，有鬼神莫測之妙，二方合煎，名返魂丹，治痘收效，指不勝屈，余治此症經驗多年，知之最詳，至於清火解毒涼藥，必察明果有實火者，方可暫用，若誤用於齊苗時則水不能升而頂陷，若誤用於養漿時，則漿不能稠而壞場，壞場者，真火衰也明矣，當前速宜參熟並用，附桂同煎，脾腎雙補大劑疊進，尚可挽回，否則寒戰咬牙，吐瀉交作，不可為矣，至於身凜至臙不乾，痂落而斑不化，及痘後發毒，皆因誤服生地銀花澤瀉連翹等涼藥之故，不可不知，熱有邪正，必當體察，正熱者陽氣蒸騰，自內達外，喜露頭而不惡寒，時熱時止，兼有小汗，手足溫和，飲食有味，二便如常，所謂內外無邪，不必服藥，邪熱者，偶受風寒，頭痛惡寒，四肢冷而無

汗，荊防地黃湯內加肉桂一錢，一二劑儘可解散表邪而愈。古人云，熱不可盡除，真格言也。

形色 痘以飽滿爲形，紅活爲色，頂陷不起是氣虛，色不鮮明是血虛。宜培補氣血爲主，真陽虛者乃無紅景，甚至通身皆白，身涼不溫，宜大補元煎，陽回身溫，轉白爲紅矣。又有一種遍身血泡者，此非血多，乃氣少不能統血，故血妄行，急當大補元煎，陽氣充滿，血泡變白而成功矣。庸醫不明此理，膠言血熱，悞用寒涼，變症日增，形與色，外象也，必要飲食有味，二便如常，知其無內病，可以不服藥，若二便不調，飲食不下，煩燥悶亂，夜中不寧，形色雖好，亦甚可憂，必當察其病情何如，小心用藥挽回方妙，形色不佳，多半是氣體虛寒，手足厥冷，頭重神疲，便清泄瀉等症，必當大補元煎，兼用附桂，若泄瀉不止，並當添人龍骨粟殼等藥，以收澀之，方可回生。痘以紅爲貴，有圈紅噴紅鋪紅之別，圈紅者，一線紅圈，緊附痘根最爲佳兆，噴紅者，痘根血色，隱隱散漫，亦氣不收之故速宜大補氣血，鋪紅者，一片平鋪無痘之處亦紅，所謂地界不分，若兼不惡寒，口臭而渴小便臊而短，大便燥而結，內熱有據，宜白虎地黃湯以利之，熱退身涼，即宜平補，不可多劑，又有一種錫光痘，身涼不溫，色白不紅，此乃陽虛陰象也，宜大補氣血，附桂同施，氣足陽回，根紅而漿稠痂結矣。又有一種根無紅盤，頂含黑水者乃陽氣大虛，氣陰凝結，亦宜大補元氣，兼用附桂，黑水化而爲膿矣，痘有五泡，曰水泡，膿泡，灰泡，血泡，紫泡，痘有五陷，曰白陷，灰陷，血陷，紫陷，黑陷，水泡者，皮薄而明，經言氣熱生水

，要知清漿皆水，何以不成膿，火少故也，必當薑桂附子等藥大劑陡進，水必成膿，若誤用涼藥，作瀉後轉爲白陷，膿泡失治，則破流膿水，灰陷失治，轉爲灰陷，二症亦宜參朮附桂大劑多進，若有小顆粒發出，謂之子救母，生意在焉，血陷者乃氣虛，非血熱，亦宜大補元陽，否則變爲血陷，紫泡者其症有二，紫中帶青者，亦因氣虛不能攝血，陰血凝結而成，其人必身倦惡寒，舌胎白，飲食不多，大小便清白，速宜大補元陽，否則變爲紫陷，又有一種紫黑焦枯者，乃純陽無陰之症，其人必口乾惡寒，小便短，大便結，此實火也，宜清涼解毒，白虎地黃湯酌加大黃以行之，但得灌漿，尚可望生，失治轉爲黑陷，又有一種小兒因服涼藥，腹中作痛，嘔吐瀉痢，將成慢驚，頭面大熱，唇焦舌黑亦似實火，此乃火不歸元之故，實火者二便燥閉，虛火者瀉痢不止，全在細心體察，方得其真，經云有者求之，無者求之，實者責之，虛者責之，蓋言萬病皆當體察寒熱虛實，醫治痘症，可概云實火，肆用苦寒剋削，以斃人性命耶。

起脹 痘至開盤，頭面腮頰亦腫，謂之起脹，至膿成漿足，痘回而脹消，謂之收脹，蓋緣毒氣由內達外，此時尚在肌膚之間，故腮頰亦隨之而腫，迨至膿成漿足，毒氣盡化爲膿，而脹自消，亦必脾胃強健，方能如此，若當起脹而不起脹，乃由元氣內虛不能送毒外出之故，宜用大補氣血之藥，少加發散，大補元煎，大溫中飲，相間服之，盤自開而脹自起，若痘未開盤，而頭面腫大，乃元氣大虛，此乃虛腫，非起

脹也，其痘必不能起脹，亦宜大補元氣，腫自消而脹自起，又有痘已回而腫不消，乃元氣大虛不能攝毒，餘毒留於肌肉之間，不能盡化爲膿所致，亦宜大補元氣煎大溫中飲相間服之，餘毒盡化而脹消矣。痘書云，痘出稠密封眼者有救，不封眼者無救，此言不確，起脹者有救，不起脹者無救，此言甚確，封眼者，眼弦多痘，脂膜水塗之，仍可以不封眼，不起脹者，乃元氣大虛，何以送毒外出，必當大補元氣，附子肉桂大劑多進，脹起而毒化，一定之理也。

養漿痘之緊要，全在養漿，漿成則毒化，漿不成痘斯壞矣，自發熱見點齊苗灌漿，無非爲養漿而設，若顆粒稀疏，根盤光潤，精神爽健，二便如常，乃上等痘也，可以不藥，倘形色平常，全憑用藥助其氣血以養其漿，最怕者無熱，全仗真陽充足，出而用事，方能化毒成膿，設陽氣不足，何以蒸化其漿，宜大補陽氣，實爲上策，謹防泄瀉，瀉則中虛，陽氣一虧，毒必內出，定當預爲隄防，補其陽氣，助其脾胃，漿乾癰結，而成功矣，煎藥方無非補中益氣湯大補元氣之類，和兼服之，萬不失一，而世之面麻者，皆因不明是理，養漿時被庸醫誤用消伐之藥，中氣下虧所致，若於養漿時大劑溫補，氣血充足，落痂後斷無面麻之患，又有一種小兒，痘後滿頭滑爛，名曰虛陽貫頂，又曰髮疽，經年不愈，此乃出痘時誤用涼藥，胃中受寒，陽無所依，上冲頭頂，譬之火爐中以水潑之，則熱氣必上冲，此理無二，速用大補元煎，大溫中飲相間服之，引火歸元，自可全愈。

收結 收者漿回而脹收也，結者膿乾而痂結也，收結如快，其功成矣，倘漿回而腫不消，膿成而痂不結，亦是真陽不足，身無熱不能乾漿化毒之故，膿漿充足，必賴陽氣薰蒸，方能結痂，陽氣二字，豈非痘症始終必需之至寶，設此時氣體虛弱，不能結痂，必相其虛實，無非培補氣血，無不立見奇功，又有一種漿不能乾而生蛆，謂之蛆痘，總由陽氣不足之故，俱宜大補元煎大溫中飲，相間服之，膿自乾而蛆自化，痂結加愈。

痘毒 痘本胎毒，自內達外，若出痘時盡化為膿，痘後無餘毒矣，當其初總宜培補元氣，兼用散藥，毒氣方能盡出化而為膿，時師用黃芩連翹澤瀉等藥，在彼以涼藥可以解毒，豈知痘乃胎中陰毒，得陽氣則行，得涼藥則滯，毒氣因涼藥留滯於肌肉之內，痘後所以發為大瘤，名之曰痘毒，皮色不變者居多，宜大溫中飲數劑全愈，其色紅白相兼者，半陽半陰症也。荆防地黃湯，與大溫中飲相兼服之，計日可愈，荆防解其凝結，薑桂散其寒涼，所以可愈，倘時醫見之，不分陰陽，統言火毒，仍用生地連翹銀花等藥，以致堅腫不消，潰爛不斂，清膿淋漓，久而不愈，漸至泄瀉不食，脾胃一敗，不斃鮮矣，若紅而滯紫者，乃陽症也，方可以荆防地黃湯愈之，大便結者下之，然陰症多，陽症少，痘後並未見有陽症之毒也，又後有痘毒色白方最妙。

痘症諸方 補中益氣湯 此方補氣散毒，氣虛者初出痘服三四劑，痘易起發，痘頂陷者亦宜服之，黨參

三錢，黃耆二錢，白朮，錢五分，炙草一錢，當歸二錢，陳皮五分，升麻三分，柴胡三分，加薑煎，可與荆防地黃湯相間服之。

荆防地黃湯 此方補血散毒，血虛者，初出痘時服三四劑，痘易灌漿，與前後各方相間服之，無所不可。

荆芥一錢，熟地四錢，山藥二錢，丹皮一錢，防風一錢，雲苓一錢，山萸一錢，生草一錢，加生薑二大片爲引，加黃酒並沖服。

大溫中飲 此方補氣血，散寒邪，提痘漿，散痘毒，凡痘頂不起，空殼無膿，嘔吐瀉泄，脾胃不開，痘色不紅將欲塌陷，宜速煎服，並與大補元煎相間，大劑連進，溫中散寒，立時起發，功難盡述。熟地五錢，白朮三錢，山藥二錢，黨參三錢，黃耆二錢，炙草二錢，柴胡二錢，麻黃一錢，肉桂一錢，炮薑一錢，加生薑三片，竈心土水煎濃，用夏布壓出藥汁，少加黃酒，多次灌之，不可減去麻黃，汗多者減之。

大補元煎 此方大補氣血，專治痘症誤用涼藥，嘔吐泄瀉，痘不起發，危在旦夕，速宜大劑連進，不可減去附子，與六味回陽飲相間服之，立見奇功，有鬼神莫測之妙，倘二三劑後，泄瀉不止，酌加附子，更加龍骨栗殼各一錢，倘泄瀉全止，減去附子，若附子太多，則小便閉塞。熟地五錢，黨參三錢，山藥二錢，杜仲二錢，棗仁二錢，枸杞二錢，萸肉一錢，炙草二錢，故紙二錢，白朮三錢，肉桂二錢，附子

一錢，加生薑三大片，好核桃仁三個，打碎爲引，痘後減去附子，只用肉桂數分，調理數劑，計日可復元。

六味回陽飲 此方大補元陽，專治小兒氣血本虛，痘瘡自塌，或誤服涼藥，嘔吐泄瀉，將成慢驚，危在頃刻，速宜服此方，倘有轉頭，即加入大元煎之內，同煎疊進，名返魂丹，真仙方也。附子一錢，炮薑一錢，當歸三錢，肉桂二錢，黨參三錢，炙草一錢，加胡椒細末三分，竈心土水澄清煎藥，或減去附子，亦名六味回陽飲，以多進爲妙。

白虎地黃湯 此方去實火，解邪熱，專治小兒出痘，發熱不退，口渴喜冷，痘瘡黑陷，小便赤臊，大便閉結，口鼻氣熱等症，酌加大黃，以行爲度，若二便清白，不喜飲冷，身雖大熱，乃是虛火，仍宜溫補，所謂甘溫退大熱，不可妄投此藥，此乃備而不可輕用之方也。石膏三錢，生地二錢，當歸三錢，枳殼一錢，大黃一錢五分，木通二錢，生草一錢，澤瀉一錢，加燈心爲引，熱退身涼，即宜以荊防地黃湯調理之。

辨痘法 小兒發熱，五指梢及中指冷，是痘疹，中指熱是風寒。

看耳法 耳後紅筋痘必輕，紫筋起處重沉沉，兼青帶黑尤難治，用藥精詳也得生。

辨氣法 凡犯房事經水生產穢氣，以大棗燒烟解之，若防發癢者，以雞皮和大棗燒烟解之，被酒氣犯者

，以葛根茵陳蒿燒烟解之，犯五辛氣者，以生薑燒烟解之，被死屍屍氣及穢氣所犯者，以大黃蒼朮燒烟解之，被狐臭犬羊氣犯者，則燒榔樹葉解之，若遇風雨時者，則燒蒼朮榔樹葉解之，若血少而漿難之痘，則忌燒蒼朮，蓋恐愈燥而漿愈難耳，若遇諸惡氣則以乳香燒烟熏之，以胡荽酒噴之，作有瘡者醋熏痘者，以醋能活血，殊不知醋能收斂，大非所宜也。

暑月出痘 房中多置涼水，以收熱血，心自清涼。

冬月出痘 房中多置炭火，以除寒氣，使血氣和暢爲妙。

出痘兒睡不可驚動 此最要緊，一經驚動，則易成痘後驚風，抑且停漿不發。

小兒痘症二十四項方

(一) 腎經發痘，初熱腰痛，身如打傷，背不能伸或連尾脊骨痛。取雄雞一隻，剖開雞腹，取出肝腸立將燒酒一杯噴雞腹內，安放腰上，用帶緊縛，限一炷香久爲度，其雞即青臭不可聞，連用二三隻，其痛自止，痘亦出。

(二) 心經發痘，忽然抽掣，此症與急驚相同，用桃樹皮 葱子 燈心共搗爛，敷顙門肚臍及手心足心限一炷香爲度，則驚自醒而痘自出，又於手足合骨處，用燈火各燒一下，以散風痰。

(三) 小兒體性怯弱，成因吐瀉之後，元氣愈虧，不能勝毒，汗出如珠，四肢厥冷，似睡非睡，眼中露白，此痘與幔驚相似乃危症也。急用大附子四錢，乾薑四錢，丁香四錢，陳淡豆鼓三錢，小雄雞一隻共

搗爛，再用燒酒略炒溫，敷臍上及兩足心，急換二三次，其痘自出，若有瀉泄，加竈心土三錢。

(四) 後生輩或失陽之症，方發痘欲出不出，狂言亂語，此痘毒不出，鬱火攻心，既不敢用清涼之藥，以解毒，又恐驟用補劑以助火，此最難措手之症，急用雄雞一隻，生剖開腹，去腸雜，以燒酒噴之，敷於臍上，其痘自出，其語亦止，凡欲補而不敢補，其痘不能出者，俱用此方，此從外托內神妙無比，切勿視為尋常，或遍身疼痛乃毒出腎經，用黑豆一升，煮熟，搗敷腰上即止，蓋黑豆能解腎經痘毒也。

(五) 少年出痘，或當色後，誤為發散，傳為陰症。新生雞蛋三個，取蛋白調乳服，再用艾炙肚臍四圍，及臍下寸餘，又扯起陽物，離糞門各一半，炙七焦，其陽自回。

(六) 女人天癸已至，當出痘之際，經水忽行，一則懼其穢氣相沖，二則慮其血衰不能化毒。此最危險之症。急取桃樹上寄生，搗爛，放足心，三炷香久為度，經水自回，痘亦萬全。(又方) 月月紅花，又名月季花(取花與枝葉煎酒服，並煎濃湯週身洗浴，神效。)(又方) 老杉樹皮，舊時，共燒灰調酒服，自立止。

(七) 孕婦出痘激動其胎，又不得下，或胎死腹中而不能出此至危之候，宜取路上推車蟲，及所推泥丸

，一並焙乾，研爲細末，加歲靈仙同研，用酒調爲丸，納臍中，將膏藥貼上，（不論何種膏藥）三炷香久爲度，其胎卽下，如經不通，亦可以通。

（八）孕婦出痘，腹中作痛，乃胎動也，若不頂住，一經臨產，則氣血兩敗，痘必不全。急宜內服安胎散，（照婦科內安胎方服之）外用蓮蓬殼，益母草（各三錢燒灰存性），艾葉三錢，共爲末，醋調敷臍中，連換三次，其胎自安。

（九）少年出痘吐血，或鼻血不止，此虛火上炎，血不歸經。宜取白菓，搗水服，後將柏樹上寄生二錢，山梔去根二兩，共搗爛敷臍中，連換三次，其血卽止，如未止，卽用止血各方治之自愈。

（十）痘當起脹之時，忽然便血，夫血旣下漏，安能起脹，最爲急也宜用地榆，生大黃，紅花根，共爲末，燒酒調勻，敷尾脊骨，三炷香久爲度，連換三次，其血自止，如痘內夾有斑痘，或夾丹痘，（形如斑點皆是）用土硫紫草爲末，敷之卽退。

（十一）肝經出痘，大便下血，眼紅氣粗，丹痧滿面，紫黑不起。白頸蚯蚓（七條焙乾）瓜蒌仁（三十粒去油）杏仁（十五粒去皮尖）共研末，陳茶調勻，作餅貼臍，一炷香久爲度，連換數次，各症俱退。

（十二）肺經出痘，滑精夢遺，咳嗽失音，不省人事。取新生雞蛋一個畧開一孔，去黃白，只用蛋殼，將元參一兩，取汁灌於蛋之中，用紙封固，再將熟黑豆搗爛包裹蛋殼，置火中，一炷香久爲度，取出冷

透火氣；將元參汁與服，其音自清，而嗽亦止。

(十三)小腸經出痘，遍身發斑，片紅片紫，如雲如霞無痘出見，不省人事 急將雪梨與食，又將芙蓉花，川椒，胡椒，共爲末，紙捲爲條，蘸麻油用燈蕊盛之，照於被內，覆蓋一時，其斑自退，而痘自出矣。

(十四)胃經出痘 咽喉閉塞，或致失聲，不思飲食，上吐蛔蟲，下瀉惡血。 急將綠豆爲末，以雞蛋白調之喉閉則敷於頸，吐蛔則敷於臍上，瀉血則敷臍下。

(十五)命門出痘鎖眉刺心，煩悶不安，大熱不退，生艾葉一兩，黑豆一撮，白芥子三錢，醋煎一滾爲度，共搗爛作餅，敷心前，連換數次，熱退心安。

(十六)腎經出痘，尾脊骨疼痛，日夜不安。用芙蓉根，馬鞭草，共搗爛炒溫，敷尾脊骨上，其痛立止。

(十七)時值瘧疾，而腹出痘，口吐白涎，咳嗽失聲 生薑切片 包大附子燒，再取薑汁，和當歸，生地，白芍，共搗爛數臍中，二炷香久爲度，白涎自止。

(十八)痘見脾經，甚爲美也，然防熱不周，穢污相冲，痘不起發狂言亂語，遍身癢塌，抓破出血，聲啞氣急，急用石膏 寒水石 麝香 鬱金 甘草共煮透去甘草滓，又煮乾爲末，用蜜調敷胸前，謔語自止，而痘亦起發矣。

(十九)痘出太陽，舌心黑，口氣臭，大小便不利，痘色紅紫，青，防風，全蝎，石膏，熟大黃，合勻爲

末，作餅敷臍中痘色自活，諸症自退。

(二十) 痘出太陰夾斑夾疹，胡言亂語，或失聲不語。雪梨水磨真象牙與服則安靜聲清，斑疹亦退其痘自出矣。又夾斑而出者，有紅赤隨出隨收，又夾丹而出者，紅赤成片，俱用 玄參 升麻各二分，甘草八分，防風 荆芥 牛蒡子各六分，煎服，如夾麻疹而出者，照上方 加桔梗 黃芩(酒炒各六分)煎服均極效驗。

痘疔 痘中有黑紫乾硬暴脹獨大，腳無紅暈，或疹或不疹者，即痘疔也，痘疔能閉諸毒，未齊有疔，則諸痘不能出現，既齊有疔，則諸痘不能起脹，行漿時有疔，則諸痘必致倒陷，故初出時，目有紫黑獨大之點 恐其成疔，即宜以銀針刺破，吸盡黑血，然後以拔疔散敷之，次日復看，若再破脹，仍然刺破，以前藥敷之，必轉紅活，方可已，若針挑不動，手捻有核，則成疔矣，須用針從四邊剝開，以小鉗鉗出之其形如疔，有半寸許長，拔去其疔，仍以前藥敷滿瘡口，乃可無虞，又手足四肢有痘慘暗堅硬而甚痛，或外無痘而內有核作痛者，亦痘疔也，宜艾火燒之即愈，或以燈火烙之亦效，若不急治，則其痘深陷，穿筋透髓，而爛見骨，甚可畏也，又天庭有黑點，心窩舌上必有疔，地角有黑點，陰囊必有痘，兩額有黑點，兩腋必有疔，準頭有黑點四肢必有疔，此觀顯可知其隱，又不可不詳也。

一婦人出痘稀疎朗潤，似爲順症，但熱不退，已而明潤者漸覺慘暗，其人亦煩悶不安，詳觀面部，見地角

一痘紫黑將焦，察其陰中，有形如黑豆一顆，此乃疔也，用銀針剔破，以拔疔散敷之，其熱遂退，諸痘悉皆潤澤起脹而愈。

拔疔散 明雄二錢，胭脂米五錢，無則胭脂膏亦可，共爲細末，凡痘疔遇賊痘，刺出黑血，敵之。

(又方) 京城油胭脂敷之，立能止痛，其效如神。

(又方) 明雄一錢，紫草三錢，共爲細末，多用頂上胭脂汁調勻，用銀針挑破擦之，極爲神效。

(又方) 將疔挑破出紫血，蒲公英熬膏，放水中一日一夜，冷透火氣，敷之。

(又方) 馬齒莧交絡竹隨少許，搗融敷於四圍，頃刻止痛，不數日能拔疔根，屢試屢驗。

(又方) 大蒜頭切三分厚，安於痘上，用艾一團如豆大，在蒜上灸之，每五次，換蒜再灸，若紫血出後，腫痛不止，尤當用灸，痛者灸至不痛，不痛者灸至痛，其毒隨火而散。

舌上痘疔 銅綠，雄黃，硃砂，銀硃，人中白共研勻擦之。

赤斑核 小兒出痘，有名赤斑核者，形如癰癰，發無定處，多在活肉筋骨間，則周身之痘，皆不發起，盡歸於有癰癰一處，危症也，治法將癰癰用手撮起，以紅繩緊緊繫住，然後用獨蒜瓣貼於患處，艾灸七次，務將癰癰炎至不知痛癢，除其艾蒜，庶幾可發生，通身紅活矣。此卽痘疔之類，照痘疔各方治之亦可。

痘出一半，忽然不語，昏迷不省人事，手足冰冷，目閉面青，唇白氣息俱涼，此厥陰症也，用雄雞一隻，生剖開，去腸雜，以燒酒噴雞肚內，敷臍上，用布紮緊，約一炷香久，取出，連換數雞，其痘乃齊，其人自愈，其效如神。

熱症方形，虛症又現，元氣本來虛弱，而毒氣猛烈，以致痘出不快，此症解毒既恐傷元，扶元又恐助熱，頗難用藥，照上方用雞敷劑上，屢用如神，萬無一失。

上身痘已起脹，下身痘尚未出，或出而陷下不起，頂好熱燒酒，用紬蘸酒乘熱熨之，其痘自出，屢試皆驗，如不見效，即照前方用雞敷劑之法，無不效也。

痘不起漿 凡痘不起漿，或漿起復收，急取癩蝦蟆一個，用手捉住，將蝦蟆頭對正小兒之口，（用紬將小兒眼遮住以免蝦蟆吐漿入內）離二三寸遠，約一頓飯久放去，另換一個，仍向兒口對之，連換三次，其毒已被蝦蟆吸盡，即灌漿收功，此法起死回生，神效之至。（又方 頂好熱燒酒，用紬怕蘸透，時時熨之，輕者此法最妙。

痘症黑陷不起 凡心煩氣喘，妄語見鬼，以不落水豬心血和冰片丸如芡實大，每服一丸，以紫草煎酒下，少刻下瘀血神清，痘即紅活透出，此醫所不能治者，百發百中，神應非常。（又方），升麻一味，先煎濃湯去渣用胭脂十餘張，於湯內取出紅汁，加明雄黃末錢餘，即以胭脂綿蘸湯於痘上拭之胭脂紅花膏所